

Zdravstvena služba Crvenog Križa

Kod nas rade medicinske sestre koje pružaju pomoć i podršku osobama bez dozvole boravka i drugim migrantima koji su izvan sistema društvene zaštite.

Pomažemo vam sa

- Upućivanjem i kontaktom s redovnim zdravstvenim sistemom, kako biste kao osobe bez dozvole boravka dobili njegu na koju imate pravo.
- Podrškom za vas koji živite bez dozvole boravka i nailazite na prepreke u kontaktu sa zdravstvenim sistemom.
- Podrškom za vas koji ste pružaoci zdravstvenih usluga u kontaktu sa gore navedenim grupama pacijenata. Također pružamo informativne aktivnosti na radnim mjestima.
- Kontaktom sa socijalnim radnikom za vas koji živite bez dozvole boravka i imate pitanja koja se odnose na socijalnu podršku.

Ambulanta

Prijem bez zakazivanja utorak-čevrtak 09.00 – 12.00 h i 13.00 – 16.00 h
Adresa: Rullagergatan 6B, Gamlestaden, Göteborg. Također možete unaprijed zakazati termin.

Nacionalno savjetovanje

Telefonsko vrijeme:
ponedjeljak – petak 09.00 – 12.00 h
Telefon: 020-211 000

Možete poslati i SMS na 072349 98 08
e-mail: papperslos@redcross.se

Posjete i pozivi su besplatni. Imamo obavezu čuvanja tajne.

Više informacija

Kroz saradnju s drugim organizacijama civilnog društva postoji mogućnost da se susretnete s medicinskim sestrama Zdravstvene službe i na drugim mjestima u Regiji Västra Götaland. Skenirajte QR kod da vidite gdje se nalazimo u regiji.



Pročitajte više o zdravstvenoj zaštiti za osobe bez dozvole boravka i druge migrante – na stranici se nalaze i informacije o vašem pravu na zdravstvenu zaštitu osobe bez dozvole boravka na više jezika.



Ove informacije su namijenjene zdravstvenom osoblju. Možete ih pokazati kada tražite zdravstvenu njegu.



Form: Head & Head. Illustrationer: Sabina Helms. 260701. Redigerad 25/11/11 Lou Dahlgren Elegen

Za vas koji nemate dozvolu boravka

i nalazite se u Regiji Västra Götaland



Informacije o zdravstvenoj zaštiti za druge migrantske grupe

Informacije od Vårdförmedling Västra Götaland, saradnja između Rosengrenska fondacije, Švedskog Crvenog križa i Regije Västra Götaland

Regija Västra Götaland

Sva djeca bez dozvole boravka imaju pravo na istu zdravstvenu zaštitu kao i djeca koja su uvedena u švedsku matičnu evidenciju.

Ako imate više od 18 godina i živite u Švedskoj bez dozvole, imate pravo na hitnu i neodložnu zdravstvenu zaštitu.

To znači da imate pravo na:

- Hitnu pomoć (odmah potrebnu njegu)
- Njegu u trudnoći i tokom poroda
- Savjete o kontracepciji (kako spriječiti trudnoću)
- Njegu u slučaju pobačaja (prekid trudnoće)
- Njegu i liječenje bolesti i povreda kod kojih i umjereno odgađanje može imati ozbiljne posljedice po vas
- Njegu koja sprječava pogoršanje vašeg zdravstvenog stanja
- Njegu koja može spriječiti da kasnije bude potrebna opsežnija njega i liječenje
- Njegu kao nastavak liječenja koje ste ranije dobili, uključujući i psihijatrijsku njegu

Također imate pravo na

- Zdravstveni pregled u Domu zdravlja
- Medicinski prevoz
- Lijekove koji su obuhvaćeni sistemom povlastica
- Pomagala

Ovo je njega koju treba da dobijete unutar regionalnog zdravstvenog sistema – dakle u Domu zdravlja, klinici za trudnice, hitnoj pomoći ili u bolnici.

Djeca bez dokumenata imaju pravo na istu stomatološku zaštitu kao i djeca sa prijavljenim boravištem. Odrasli iznad 18 godina imaju pravo na hitnu stomatološku njegu i stomatološku njegu koja ne može čekati. Do godine kada punite 20 godina, stomatološka zaštita je besplatna. Od godine kada napunite 20, plaćate 50 kruna po posjeti.

Nikada vam ne smije biti uskraćena njega prije nego što vas pregleda

medicinska sestra ili ljekar i procijene vaše zdravstvene potrebe. To znači da vam ne smiju odbiti njegu već na recepciji. Nikada ne trebate dokazivati da nemate dozvolu boravka.

Ako želite stupiti u kontakt s nekom od naših jedinica za izbjeglice, na primjer da dobijete informacije o zdravstvenim pregledima, možete ih kontaktirati na:

Ambulanta za izbjeglice

Telefonsko vrijeme: 09.00 – 15.00

Telefon 031-747 89 50

Ambulanta za djecu izbjeglice

Telefonsko vrijeme: 08.00 – 10.00

Telefon 070-020 60 26

Ambulanta za djecu izbjeglice prima djecu i mlade sa fizičkim ili psihičkim poteškoćama nakon migracije ili izbjeglištva. Tamo možete posjetiti dječijeg ljekara, dječijeg psihijatra, psihologe i specijalizirane medicinske sestre. Oni rade sa djecom, roditeljima i ponekad cijelim porodicama. Za dolazak u ovu ambulantu treba vam uputnica od vašeg Doma zdravlja, ali možete i sami napisati svoju uputnicu.

Više informacija

Zdravstveno savjetovalište
(sjukvårdsrådgivningen)
1177

Informacije o
zdravstvenoj zaštiti za
osobe koje žive bez
dokumenata ili traže azil.



VÄSTRA
GÖTALANDSREGIONEN

Rosengrenska

Rosengrenska je za osobe koje žive bez dozvole boravka. Imamo prijem jednom u dvije sedmice u večernjim satima.

U Rosengrenska možete dobiti pomoć:

Medicinska sestra, stomatolog ili psiholog

Možete posjetiti medicinsku sestru, stomatologa ili psihologa u Rosengrenska ambulanti ako vam je potrebna zdravstvena njega, ali ne znate kome da se obratite, ne znate kako zdravstveni sistem u Švedskoj funkcioniše, ako ste bili loše tretirani u zdravstvu, ako vam je njega uskraćena ili ste dobili pogrešan račun iz zdravstvenog sistema. Ako vam je potrebna zdravstvena ili stomatološka njega, dobit ćete informacije o tome kako možete kontaktirati svog pružaoca njege i kako da se snađete u zdravstvenom sistemu.

Blagajna

Ovdje možete dobiti povrat novca za posjete u zdravstvu i za lijekove kupljene na recept. Potrebno je da donesete račune.

Optičar

Optičar se nalazi u Rosengrenska ambulanti jednom mjesečno. Pomaže vam s pregledom vida i daje vam besplatne naočale ako su vam potrebne.

Socijalna podrška

Sarađujemo s jednom crkvom u Göteborgu. Bez obzira na vašu vjeru ili uvjerenje, crkveni đakoni nude razgovor, podršku i savjetovanje. To može uključivati pitanja o djeci i

porodici, školovanju djece, pomoć s prehranbenim paketima i odjećom ili orijentaciju u društvu. Također postoji mogućnost razgovora i podrške sa svećenikom ili kontakt s Međureligijskim vijećem u Göteborgu.

Pravnik

Sarađujemo s pravnicima koji nude besplatno pravno savjetovanje. Najbolji način da dođete do pravnika je da zakažete termin kod njih putem e-maila na info@rosenjuristerna.se preko njihove stranice rosenjuristerna.se ili putem liste u Rosengrenska ambulanti. Oni će vas tada kontaktirati i dati vam termin za posjetu.

Kako stupiti u kontakt s nama

Da bi se naši posjetioci osjećali sigurno, ne objavljujemo vrijeme i adresu ambulante.

Ako vam je potrebna informacija gdje se nalazimo, obratite se Zdravstvenoj službi Crvenog Križa 020-211 000.

Više informacija

Pročitajte o
Rosengrenska Fondaciji

